

Beilage X: Inhaltsangabe und Fragmente der Schrift eines Patricianers (Neu-Marcioniten), gegen welche Augustin seinen Tractat „Contra adversarium legis et prophetarum“ (lib. II) gerichtet hat.

I, 1: Libro, quem misistis, fratres dilectissimi, nescio cuius haeretici, invento sicut scripsistis, in platea maritima, cum venalis codex ipse ferretur et concurrentibus turbis periculosa curiositate et delectatione legeretur, ut quanto possem compendio responderem, prius quaesivi cuiusnam esset erroris. Non enim soli Manichaei legem prophetasque condemnant, sed et Marcionistae et alii nonnulli, quorum sectae non ita innotuerunt populis Christianis. Iste autem, cuius nomen in eodem libro non comperi, detestatur deum mundi fabricatorem, cum Manichaei, quamvis librum Geneseos non accipiant atque blasphement, deum tamen bonum fabricasse mundum, etsi ex aliena natura atque materia, confiteantur. Sed quamquam non mihi apparuerit, cuius sectae sit iste blasphemus (cf. I, 10: iste vaniloquus blasphemator, qui scripsit librum sacrilegis conviciis plenum), defendenda est adversus eius linguam scriptura divina, quam maledicis disputationibus insectatur. Et quoniam quoquo modo Christianum se videri cupit, unde et ex Evangelio et ex Apostolo ponit aliqua testimonia, etiam scripturis ad Novum Testamentum pertinentibus refellendus est, ut ostendatur in reprehensione Veterum inconsiderantius quam versutius insanire ¹.

¹ Cf. *Retract.* II, 58: Interea liber quidam cuiusdam haeretici sive Marcionistae, sive cuiuslibet eorum quorum error opinatur, quod istum mundum non deus fecerit, nec deus legis quae data est per Moysen et Prophetarum ad eandem legem pertinentium verus sit deus, sed pessimus daemon, cum apud Carthaginem multis confluentibus et adtentissime audientibus in platea maritima legeretur, pervenerunt ad eum fratres